

ԽՈՐԵՆԱՑՈՒ ԺԱՄԱՆԱԿԱԳՐԱԿԱՆ ՀԱՄԱԿԱՐԳԻ ՀԱՐՑԸ

Մեր առջև ունենք թեև ծավալով փոքր, բայց բազմամյա մանրակրկիտ ուսումնասիրության արդասիր հանդիսացող մի աշխատություն՝ Գ. Խ. Սարգսյանի «Մովսես Խորենացու «Հայոց պատմության» ժամանակագրական համակարգը» (Երևան, 1965), որ լույս է ընծայել Հայկ. ՍՍՏ գիտությունների ակադեմիայի պատմության ինստիտուտում:

Ազդելու արդիական այս ուսումնասիրության առարկան, ինչպես արդեն ցույց է տալիս նրա խորագիրը, դարձյալ Մովսես Խորենացին է, այն Խորենացին, որի հետ կապված դիտական հարցերը մեր բանասիրական հարուստ դրականության մեջ տեղ են գրավել արդեն տասնյակներ կազմող առանձին հատորներով և պարբերական մամուլում հրատարակված հարյուրավոր հոդվածներով: Խորենացու «Հայոց պատմության» հարցերով բանասիրական աշխարհը սկսել է զբաղվել դեռևս XVIII դարի սկզբներից, իսկ այսօր, ավելի քան երկու և կես դար հետո, մեր ժամանակի գիտնականները տակավին շարունակում են հետազոտությունների շղթան թերևս և դեռ կարծիքներով՝ «չտեսնելու համար Խորենացու ապրած ժամանակը, նրա կոթոնական երկրի պատմագրական նշանակությունը, նրա մատենագրական հայտնի և անհայտ ազդյունները, նրանում նկարագրված դեպքերի ժամանակագրական արժեքը և այլ բազմաթիվ հարցեր, որոնցից շատերը դեռ բավարար լուծում չեն ստացել: Եվ ահա հանձին Ե. Խ. Սարգսյանի, մենք այսօր տեսնում ենք մի նոր ներկայացուցիչ ուսումնասիրությունների տվյալ բնագավառում:

Հեղինակն արդեն իրավացիորեն նշում է, որ Խորենացու «Հայոց պատմության» պարունակած զանազան բնագավառում են մեծ մասամբ ոչ թե շարադրանքի մակերեսին, այլ նրա ընդերքում և որ «այնտեղից դրանք լույս աշխարհ բերելը հաճախ կապված է մեծ դժվարությունների հետ» (էջ 5): Եվ ինչպես տեսնում ենք, նա նպատակադիր է եղել սույն աշխատությանը նվիրվելու այդ ընդերքի հետազոտության օգակներից մեկին: Իհարկե, ինչպես ինքն է գիտել տալիս, այն հանգամանքը, որ «Խորենացին հին Հայաստանի մասին իր տված տեղեկությունների համար մեծ մասամբ զուգահեռ ազդյուն չունի» (էջ 5) և մանավանդ այն, որ նա՝ Խորենացին «ոչ միայն սխալ է, այլև պատմաբան, և գերազանցապես պատմաբան» (էջ 5), որն իր ձևով բերած դրավոր ու բանավոր տվյալները քննադատաբար ու մշակողաբար է օգտագործել, ինքնըստինքյան դժվարացնում է «Հայոց պատմության» տվյալ ժամանակաշրջանի հետ կապված հարցերի ուսումնասիրությունը: Եվ առաջին հերթին այս տեսակետից էլ պիտի ողջունելի համարել քննարկվող աշխատության հեղինակին, որ ինքը Մովսես Խորենացուն հայոց հետազոտությունների բնագավառից ընտրել է մի այնպիսի հարց, որն իր կարևորությամբ գրավում է առաջնակարգ տեղերից մեկը, նույնիսկ կարելի է ասել ամենակարևորը, քանի որ Խորենացու «Պատմության», ինչպես պատմական ամեն մի աշխատության, հիմքը կազմում է ժամանակագրությունը: Խորենացին ինքն իսկ այդ մասին ասում է իր երկի Գ դրքի ԶԲ գլխում, թե «ոչ է պատմութիւն ճշմարիտ առանց ժամանակագրութեան»: Ուստի և՛ էթն մենք կարողանանք ուղիղ բմբունել Խորենացու ժամանակագրական համակարգի էությունը, դրանով արդեն կհարթվի Խորենացու «Պատմության» հետ կապված շատ հարցերի լուծման ուղին:

Խորենացու ժամանակագրական համակարգի հարցն անցյալում զբաղեցրել է հայագիտության այնպիսի հայտնի ներկայացուցիչների, ինչպիսիք են Ս. Մալխասյանը և Ն. Աղոնցը: Զենք խոսում ուրիշների մասին, որոնք անցողակի զբաղվել են այս հարցով: Ներջա ուսումնասիրության հեղինակի մասին պետք է ասել, որ նա ընտրել է ճիշտ ուղի, ըստ որում Խորենացու «Պատմության» Ի և Գ դրքերում եղած ժամանակագրական տվյալների և նրա մի շարք այլ ցուցումների վրա հենվելով, աշխատել է վերականգնել նրա օգտագործած ժամանակագրական համակարգը, որոնք ու բացահայտել նրա առնչություններն արդի պատմագիտության մեջ ընդունված ժամանակագրության հետ և հիմնավորված բացատրություն տալ Խորենացու մոտ ի հայտ եկող շեղումներին: Այսպիսի դրվածքը հեղինակին հնարավորություն է տվել ընթանալու հարցի յուրաքանչյուր հուսալի ուղիով:

Ինչպես հեղինակն ինքն է նշում, այդ ուղին ժամանակին մատնացույց էր արել բանասեր-պատմաբան Ն. Աղոնցը՝ ձեռնամուխ լինելով հորենացու օգտագործած ժամանակագրական աղյուսակի վերականգնմանը՝ Իսկ այժմ մեր հեղինակն անհամեմատ ընդլայնել է այդ ուղու հորի-զոնները՝ հասնելով զիտական լուրջ եզրակացությունների և հեղինակը, հորենացու ժամանակա-գրական աղյուսակը (աղյուսակ 1, էջ 18—21) կազմելիս, նկատի է ունեցել, որպես սկզբունքա-յին հիմք, այնտեղ ընդգրկվող նյութերի հարաբերակցությունը, ընդ որում սյունակների կամ շար-քերի հերթականությունը պայմանավորվում է հարաբերակցության մեջ ընկած ժամանակական առաջնությամբ։ Աղյուսակը կազմված է վեց սյունակներից, որոնցից 1-ինը միջանցիկ թվարկումով ցույց է տալիս հետզհետե միմյանց հաջորդող դեպքերի տարիների աստիճանական դումարումը՝ ժամանակի առաջխաղացումը, որի շնորհիվ պարզ և տեսանելի է դառնում, թե աղյուսակում ընդ-գրկված 736 տարիների ընթացքում ժամանակագրորեն ո՞ր տեղերն են զբաղեցրել իսկ վերջին՝ 6-րդ սյունակը պայմանական համարներով ընթերցողին ուղարկում է զրթի Ա հավել-վածին, ուր խնամքով ամփոփված են «Մովսես հորենացու ժամանակագրական ցուցումները» (էջ 146.—156)։ Այս ստույգայն այս մասը հորենացու «Պատմության» Բ և Գ գրքերից ընդգրկում է ժամանակագրական այն բոլոր վկայությունները, թվով 77, որոնց հիման վրա հեղինակը կազմել է սինքրոնիկ աղյուսակը։ Այս 1-ին և 6-րդ սյունակները զիտական այն անհրաժեշտ ապա-րատն են, որը և՛ հիմնավորում է կատարված աշխատանքը, և՛ դարձնում ընկալելի։

Աղյուսակի հիմնական մասը կազմում են մյուս շորս սյունակները, որոնք ուղղակի արտա-ցույցով հորենացու «Պատմության» տվյալները, ընդգրկում են շարքեր՝ սելեկյան-պարթևական-շասանյան թագավորների (2-րդ սյունակ), հայոց թագավորների (3-րդ սյունակ), հայոց կա-թողիկոսների (4-րդ սյունակ) և հռոմեական կայսրերի (5-րդ սյունակ)։ Միայն այս շարքերի սինքրոնացմամբ է, որ կապահովվել է ժամանակագրության համակարգային ճշգրտությունը, քա-նի որ ամեն մի շարքի առանձին մասնիկները (անձնավորությունները) հորենացու «Պատմու-թյան» մեջ այս կամ այն պարբերական նկարագրության առթիվ կարող են ըստ պատահության հանդես գալ կողմնորոշիչ դերում. օրինակ՝ հայոց թագավորի գահակալության տարին որոշվում է պար-թևաց թագավորի տարեթվերով՝ «Արտաշէս թագաւորէ Հայոց փոխանակ Արշակայ հօր իւրոյ ի քսան և ի չորրորդ ամի Արշականայ Պարսից արքայիս», կամ որոշվում է հռոմեական կայսրի տարեթվերով՝ «Մանրախուզիւ քննեալ՝ զտաք զթագաւորելն Տրդատայ յերրորդ ամի Գիոկղե-տիանոսիս»², և կամ հայոց հայրապետի տարիները՝ հայոց թագավորի տարեթվերով՝ «Եւ յետ նո-րա (Գրիգորի Լուսաւորչի) Արիստակէս՝ ամս եօթն, ի քառասուն և յեօթներորդ ամէն Տրդատայ մինչև ցլխտուն և երրորդ ամս նորին»³ և այլն։ Այսպիսի հարաբերակցության բացահայտման հիման վրա է կառուցված սինքրոնիկ աղյուսակը, տվյալների մեծադույն ճշգրտությամբ, այնպես որ տարբեր ուղղություններից եկող բոլոր տվյալները համապատասխանում են միմյանց և լրաց-նում։

Հորենացու ժամանակագրական համակարգը վերականգնելու փորձեր եղել են անցյալում և կատարված չկան, որ նախորդ փորձերի մեջ հաջողագույնը Աղոնցինն էր. քայքայ նա էլ տեղ էր թողել մի շարք ճշգրտումների։ Գրախոսվող աշխատության հեղինակը կատարում է նոր ճշգրտ-ումներ, որոնք մանրամասնորեն հիմնավորվում են հորենացու ժամանակագրական աղյուսա-կին կցված ծանոթագրություններում (էջ 22—31)։ Նրանցում շոշափվում են նաև Աղոնցի և ուրիշների կարծիքները։ Այս ճշգրտումների մեջ առանձնապես կարևոր է այն, թե հայոց թագա-վոր Վարազդատը, ըստ հորենացու համակարգի, գահակալած պիտի լինի Շապուհ 11-ի ոչ թե 55-րդ կամ 57-րդ տարում, ինչպես ունեն հորենացու «Պատմության» բոլոր ձեռագրերը, այլ 56-րդ տարում (տե՛ս ծան. 675 և 736)։ Հորենացու «Պատմության» լնագրում տրված ուղղա-կի տվյալներին երթեմն հակադրելով նրա սինքրոնիկ տվյալները՝ հեղինակն ասացուցում է, որ առաջինները ենթակա են սրբագրության. այսպես, օրինակ, հարկ է լինում հայոց թագավոր Եր-վանդի իշխանության տարիների թիվը 20-ից բարձրացնել 21-ի, և կամ՝ Փառնեբրսեհի կաթո-ղիկոսության տարիների թիվը 4-ից իջեցնել 3-ի (տե՛ս ծան. 342 և 636)։ Նմանօրինակ և այլ կարգի ճշտումներով հեղինակը հորենացու համակարգային աղյուսակն ազատում է մի շարք սղավաղումներից, հենվելով համոզիչ փաստարկումների վրա։

Վերականգնված աղյուսակի սյունակների հերթականության կապակցությամբ պիտի ասել, որ սինքրոնիկ համակարգի մեջ ժամանակագրորեն իշխողը և որոշիչ դեր կատարողը տրամա-

1 «Մովսեսի հորենացու Պատմության Հայոց» (աշխատությամբ Մ. Արեղյանի և Ս. Հարու-թյունյանի), Թիֆլիս, 1913, էջ 121։

2 հորենացի, էջ 224։

3 հորենացի, էջ 243։

բանորեն նախորդ սյունակն է հաշորդի կամ հաշորդների նկատմամբ: Այս տեսակետից ավելի լավ կլինեին հոռմեական կայսրերի շարքը աղյուսակում տեղավորել Սասանյանների շարքից հետո՝ հայոց թագավորների շարքից առաջ, որովհետև այդ շարքը, Սասանյանների շարքի հետ միասին, դուգահեռաբար որոշիչ դեր է կատարում հայոց թագավորների ժամանակագրական սովյալների ճշտման մեջ: Այսուհանդերձ պետք է նշել, որ հետագայում, աղյուսակի շարքերի վերլուծության ընթացքում, հեղինակը հոռմեական շարքն անհրաժեշտաբար կցել է սասանյանին (տե՛ս էջ 55—66):

Խորենացու ժամանակագրական աղյուսակի վերականգնումը ընայրարանական կարևոր դործ էր: Սակայն հեղինակը, շարունակելով իր հետազոտությունները, նպատակ է ունեցել ցույց տալ, թե այս ընդգրկում կասարվելիք աշխատանքները պիտի կայանան ոչ միայն Խորենացու ժամանակագրական համակարգը վերականգնելու մեջ, այլև նրա առանձնահատկությունները բացահայտելու: Որոշ բանասերներ աշխատել են Խորենացու համակարգը սրբագրություններով հարմարեցնել այժմյան գիտական պատկերացումներին: Փորձեր են կատարել, օրինակ, Ք. Պատկանյանը և Ս. Մալխասյանը: Ե. Սարգսյանի փորձը նախորդներից տարբերվում է այն բանով, որ նա չի ջանում «շտկել», «ուղղել» Խորենացու համակարգը՝ զանազան հնարքներով թվեր ավելացնելով ու պակասեցնելով, «վերացնել» նրա շեղումները մեր արդի պատկերացումներից, այլ ձգտում է վեր հանել այդ շեղումները, բացատրել դրանք ցույց տալով նրանց սկուներները և պատճառները, և այդ ճանապարհով դյուրացնել Խորենացու ժամանակագրական համակարգի սովյալներով ստույգ պատմական ժամանակագրությունը հարստացնելու գործը:

Հեղինակի նպատակներից մեկն է տարրալուծել համակարգը և վերածել այն տարրերի, որոնցից Խորենացին իր ժամանակ հավաքել է այն: Նմանօրինակ աշխատանքը, սակայն, ունի իր դժվարությունները, որովհետև որոշ դեպքերում այդ տարրերն այնպես են մշակվել ու հղկվել Խորենացու կողմից, որ կորցրել են իրենց նկարագիրը:

Այդ նպատակներին հասնելու համար նա կիրառում է մի նոր՝ Խորենացու աղբյուրների հաճախակի անհայտությունից ելնող միջոց՝ նրա սովյալների համեմատությունը պատմական իրականության հետ, որքանով այդ իրականությունն արտահայտվել է ժամանակի ստույգ, բայց Խորենացուն անծանոթ մնացած աղբյուրներում, բայց ոչ երբևէ նպատակ ունենալով «սրբագրել» Խորենացուն ըստ այդ իրականության, այլ որոշել նրա ստուգության աստիճանը՝ պարզելու համար, որ այս ու այն դեպքում Խորենացին ունեցել է լավորակ, թեև մեզ անհայտ, աղբյուր, իսկ այնինչ դեպքում՝ չի ունեցել, կամ ունեցել է վատորակը: Խորենացու նման յուրահատուկ հեղինակի գործը անհնարին էր վերլուծել առանց նման նոր՝ նրա ուրույն բնույթը հաշվի առնող միջոցների կիրառման: Պետք է ասել, որ այդ միջոցներն իրենց արդարացրել են:

Համակարգի վերլուծությունը կատարվում է շարք առ շարք:

Առաջին սյունակի հենց պարթևական շարքի քննության (էջ 34—40) կապակցությամբ հեղինակն առաջ է քաշում Խորենացու «Պատմության» և Անանունի (Սերեոսի անունով հայտնի «Պատմության» առկցված երկու հատվածների) աղբյուրի հարցը, որն անցյալում տարակարծությունների առարկա է եղել բանասերների միջև: Եթե Մալխասյանն ու Աղոնցը այն հակադիր կարծիքներն ունեին, թե Անանունը (կամ Սերեոսը) օգտվել է Խորենացուց կամ հակառակը, ապա մեր հեղինակը նախ նշում է, որ Խորենացին և Անանունն ունեն ժամանակագրական տարբեր համակարգեր, երկրորդ՝ որ Խորենացու և Անանունի ժամանակագրությունների միջև նկատվող կապերն անմիջական չեն, այլ դալիս են ընդհանուր աղբյուրից, VI դարի հեղինակ Պրոկոպիոս Կեսարացու կողմից վկայակոչվող «Հայոց պատմություն»-ից, որը Մար Արաս Մծուրնացու պատմությունն է: Հեղինակն այնչալ առիթներով ընդհանրապես քննարկում է այն հարցը, թե Խորենացին ինչպիսի աղբյուրների ազդեցության տակ է գտնվել, և մանավանդ այն դրդապատճառները, որոնք նրան հաճախ հարկադրել են շեղումներ կատարել վերոնշյալ ընդհանուր աղբյուրից, շեղումներ, որոնցով նա երբեմն ավելի է մոտեցել այժմյան գիտական ժամանակագրության սովյալներին:

Սասանյանների շարքի ուսումնասիրության մեջ (էջ 40—55) նրա առանձնահատկությունները բացահայտվում են երկու աղյուսակների օգնությամբ: Առաջինում այդ շարքը դիտվում է ինքնուրույն, սկսած Արտաշիթ Պապականի գահակալման տարվանից: Պարզվում է, որ թեև Սասանյան առանձին թագավորների իշխանության տևողությունը մի շարք դեպքերում նիշտ չի նշված Խորենացու մոտ, բայց և, այնուհանդերձ, նրանց հանրագումարն ստույգ է, քրից բխում է, որ Խորենացուն հայտնի է եղել (բանավոր կամ գրավոր աղբյուրից) այնպիսի մի հանրագումարային թիվ, որպիսին է պարթև և հայ Արշակունիների բարձման տարեթվերի միջև ընկած ժամանակաշրջանի ստույգ տևողությունը (202 տարի): Սա, իհարկե, կուհում է, բայց ունի

տրամաբանական հիմք, որով բավականաչափ համոզիչ է: Երկրորդ աղյուսակից, որի մեջ Սասանյանների շարքը դիտվում է բացարձակ ժամանակագրության խորքի վրա, պարզվում է, որ հորենացուն, ըստ երևույթին ասորական աղբյուրներից, հայտնի է եղել Շապուհ I-ի գահակալման տարեթիվը՝ սելևկյան տոմարով և նրա իշխանության ստույգ տևողությունը: Ակնարկվող կամ ենթադրվող ասորական աղբյուրների հետ, անտարակույս, առնչվում է հեղինակի մատնանշած այն փաստը, թե VI դարի ասորի ժամանակագիր Մըշիհա Ջըխայի տեղեկության համաձայն Շապուհ I-ը թագավորել է «մոտավորապես 70 տարի, սկսած հունաց 620 թվականից, մինչև 690 թվականը»: Հեղինակի հետ կարծում ենք, թե քաջառաված չէ, որ Մըշիհա Ջըխան և հորենացին օգտված լինեն միևնույն աղբյուրից» (էջ 49): Բայց քաջառաված չէ նաև հեղինակի մատնանշած ասորական աղբյուրների հետ առնչությունը այն ընդհանուր աղբյուրի, որը ավյալների նույնությամբ կամ մոտիկությամբ հետքեր է թողել և՛ Անանունի, և՛ հորենացու ժամանակագրություններում, և՛ Նկատի ունենանք, որ Անանունը ևս Շապուհ I-ին տալիս է 70 տարի (ըստ բոլոր ձևագիր և տպագիր օրինակների):

Վերոհիշյալ տվյալները պարթև և հայ Արշակունիների բարձր միջոցը և Շապուհ I-ի տարեթիվը կոմպոզիցիոն են հանդիսացել հորենացու համար՝ Սասանյանների շարքը իր համակարգում տեղադրելիս, ըստ որում շարքի ներսում Շապուհի ոչ ճիշտ տեղադրված լինելը պատճառ է հանդիսացել, որ շարքը 14 տարով անճիշտ տեղադրվի, որի հետևանքով ամբողջ համակարգը կրճատվել է 14 տարով (այսինքն՝ Սելևկոս Նիկատորի գահակալությունից մինչև Հակարտ I-ի գահակալությունը՝ 736 տարի, իրական ժամանակագրության 750 տարիների փոխարեն): Այս կրճատումների պատճառները քննվում են: Գրանցից մեկը, որ հորենացու կողմից Ղազար Փարպեցու մի տվյալի սխալ օգտագործումն է (Շապուհ I-ի և Շապուհ III-ի շփոթումն իրար հետ), բացահայտվում է հայոց թագավորների շարքի քննությունից հետո (էջ 120—121):

Հոռմեական շարքը (տե՛ս էջ 55—66) ևս դիտվում է երկու տեսակետերով՝ ա) ինքնուրույն և բ) բացարձակ ժամանակագրության խորքի վրա: Ինքնուրույն դիտվելիս նա ցուցաբերում է հետևյալ առանձնահատկությունը. նրա միջին՝ գերակշռող մասը՝ մեր թվագր. 1—382 թթ.՝ համաչափ ու ստույգ է, իսկ դրանից առաջ և հետո ընկած մասերը՝ աղճատված: Սկզբնական հատվածը սեղմված է, եզրափակելը, ընդհակառակն, երկարացված: Բացարձակ ժամանակագրության խորքի վրա դիտվելիս՝ շարքը ի հայտ է բերում այլ առանձնահատկություններ. պարսից պատմության հետ համադրելիս՝ նրա միջին՝ ճշգրիտ և սլացիկ մասը վերածվում է անժամանակությունների մի շարանի: Հոռմի պատմության դեպքերն ու դեմքերը իրենց օրինական ժամանակից 20—40 տարի վաղ են ի հայտ գալիս, մի երևույթ, որը բազմիցս նշվել է, բայց չի բացատրվել: Ընդհակառակն՝ շարքի առավել աղճատված մասերում, նրա երկու ծայրակետերում, վիճակն ուղղվում է՝ անժամանակությունը վերանում է, Հետևությունն այն է, որ հոռմեական շարքի միջին մասն ամբողջությամբ տեղաշարժված է դեպի աղյուսակի սկիզբը, ըստ որում ծայրակետերը մնացել են անշարժ: Հեղինակն այս իրողության պատճառը որոնելիս, հետազայում, այլ հարցերի կապակցությամբ, մատնացույց անելով Արտաշիր Պապականի և Գիոկղեկտիանոս կայսրի ժամանակագրական այն առնչությունը, որն Ազաթանգեղոսից հայտնի էր եղել հորենացուն (հմմտ. էջ 89—91), գտնում է, որ դա է հանդիսանում այն սկզբնական անաբրոնիկ կետը, որից կարող էին առաջանալ մնացյալ անաբրոնիկ առնչությունները հորենացու մոտ տվյալ հարցերում (հմմտ. էջ 121—123):

Հեղինակը երկարորեն կանգ է առնում հայոց թագավորների շարքի վրա (էջ 74—119): Այս շարքը բաժանելով երկու մասերի՝ ա) սկզբից մինչև հոսրով Մեծ և բ) Տրդատից մինչև վերջ, հեղինակը փորձ է կատարում գտնելու նրանց արմատները: Համեմատությունը Անանունի համապատասխան ցանկերի հետ՝ վեր է հանում նրանց միջև եղած նմանությունները և տարբերությունները: Երբեք առաջին մասն ազգակից է Անանունի շարքի համապատասխան մասին: Խո-

Վ Տե՛ս «Սելևկոսի եպիսկոպոսի Պատմություն», Գ տպագր. (հրատ. Ստ. Մալխասյանի), Երևան, 1939, էջ 17:

Մալխասյանը հիշյալ 70 թիվն առաջարկում է ուղղել՝ 74, հարմարեցնելու համար աղյուսակի սինքրոնությունը (հմմտ. էջ 19՝ Շապուհի վերջին հիշատակման և Արտաշիրի գահակալության տվյալները): Գ. Սարգսյանը ևս նույն նկատառումով առաջարկում է 70-ը դարձնել 73, տե՛ս քննարկվող աշխատությունը, էջ 40, ծան. 18: Մեր կարծիքով՝ ուղղումների կարիք չկա, որովհետև Անանունը կարող էր այս միջոցին մի քանի տարով թափուր համարել Պարսկաստանի գահը:

րենացին որոշ փոփոխություններ է մտցրել, որոնց զրդապատճառները վեր են հանվում. դրանք են՝ նրան ավելի ստույգ թվացող այլ աղբյուրները: Այս հատվածը, ի տարբերություն այլ շարքերի, չի համեմատված ստույգ ժամանակագրության հետ, որովհետև շատ է տարբերվում նրանից, միանգամայն այլ պատկերացում է հանդես բերում այդ շրջանի պատմության մասին, և կարող է առանձին ուսումնասիրության առարկա լինել: Հայկական ցանկի երկրորդ մասը, Տրդատից սկսած, հետապնդում է արդեն փորձված տեսակետերով՝ ա) ինքնուրույն, բ) ընդհանուր ժամանակագրության խորքի վրա՝ ստույգ ժամանակագրության հետ համեմատության մեջ:

Առաջին վերլուծությունը պարզում է հորենացու և Անանունի ժամանակագրությունների առնչությունը V դարի այլ պատմիչների՝ Ազաթանգեղոսի, Փալստոսի, Փարպեցու, Կորյունի ժամանակագրական պատկերացումների հետ: Պարզվում է, որ շարքի այս հատվածում հորենացու և Անանունի արմատները տարբեր են: հորենացին մոտ է Ազաթանգեղոսին և Փարպեցուն, և համեմատաբար հեռու՝ Փալստոսից. Անանունը, ընդհակառակն, փալստոսյան է, հեռու Ազաթանգեղոսից և Փարպեցուց: Երկրորդ վերլուծությունը ցույց է տալիս, որ հորենացու ժամանակագրության այս հատվածը, ավելի ճիշտ՝ նրա մի մասը, Տրդատից մինչև Պապ, ձգձգված է, ըստ որում ձգձգված է հոռմեական ժամանակագրության զուգընթաց, և, ինչպես պարզվում է, նույն պատճառներով: Այդ պատճառը վեր է հանվում մեծ հավանականությամբ. հորենացի թողորինակել է Ազաթանգեղոսի Արտաշիր—Խոսրով Մեծ—Տրդատ Մեծ հատվածի սխալ ժամանակագրությունը, այն դարձրել՝ իր համակարգի կովաններից մեկը, որի հետևանքով էլ առաջացել է անժամանակությունների մի շարան Հոռմի և պարսից պատմության միջև: Հատվածի մյուս մասը, Պապից մինչև վերջ, ընդհակառակն, սեղմված է, և այս՝ Սասանյանների շարքի համապատասխան հատվածին զուգընթաց: Վեր են հանվում սեղմման այն պատճառները, որոնք ընկած են հորենացու աղբյուրների մեջ, և ցույց է տրվում, որ, այսուհանդերձ, այստեղ հորենացին յավորակ աղբյուր է ունեցել: Հեղինակը մի հատուկ աղյուսակի միջոցով փորձ է ցատարում վերականգնելու այդ աղբյուրի տեսքը (էջ 116):

Հայոց կաթողիկոսների շարքը հորենացու ժամանակագրական համակարգի ճանաչման համար (ական հետաքրքրություն չի ներկայացնում, քանի որ շղկապված է միայն մի շարքի (հայոց թագավորների) հետ և այն էլ ակներևաբար ձևավորվել է այդ շարքի ազդեցության ներքո» (էջ 119): Սակայն կաթողիկոսների տարեթվերի հետ կապված մի շարք կարևոր ճշտումներ հեղինակն արդեն կատարել է հորենացու համակարգային աղյուսակին առնթև տրված ծանոթություններում (էջ 27—31) և այդտեղից երևում է, որ սինքրոնացման հաշիվների ճշգրտման տեսակետից կաթողիկոսների տարեթվերը որոշ նշանակություն ներկայացրել են: Իսկ այն հարցը, թե կաթողիկոսների շարքի կապակցությամբ հորենացին որտեղից է վերցրել իր թվական տվյալները, բավարար պատասխան չունի: Համենայն դեպս՝ բավարար ուշադրություն չի նվիրված կաթողիկոսների շարքին. թերևս նրա առավել մանրամասն վերլուծությունը հեղինակի մշակած միջոցներով՝ հարստացնելու և՛ տվյալ շարքի, և՛ ամբողջ աշխատության եզրակացությունները:

Անանունի և հորենացու աղբյուրի հարցը բազմիցս շոշափվել է աշխատության մեջ և մենք այդ մասին հիշատակեցինք միայն անհրաժեշտության առիթներով: Այստեղ՝ համակարգի շարքերի քննությունից հետո հեղինակը հանրազուգարի է բերում երկու ժամանակագրությունների սոնչության խնդրում իր ունեցած տեսակետերը (էջ 125—129), ըստ որում հանգում է այն համոզիչ եզրակացության, որ այդ ժամանակագրություններն իրենց համակարգերով միմյանցից տարբեր են և անկախ են, թեև շատ դեպքերում՝ նույն աղբյուրներից քաղված (Մար-Արաս Մծուրնացի, Եվսերիոս Կեսարացի և այլն). և քանի որ վերանում է փոխադարձ կախման հարցը, վերանում է նաև հորենացու ժամանակը որոշելու հարցում Անանունի ժամանակը հաշիվ առնելու անհրաժեշտությունը, մի հանգամանք, որը բանասիրության մեջ հաճախ զրդապատճառ է հանդիսացել հորենացուն իր ապրած ժամանակից՝ V դարից տեղաշարժելու:

Ուշադրավ են այն լջերը, որ հեղինակը նվիրել է հորենացու աշխատանքի մեթոդիկայի ուսումնասիրությանը (էջ 130—147): Պարզվում է, որ հորենացին ունեցել է բազմաթիվ, հաճախ իրարամերժ, տվյալներ. դրանցից ընտրել է մի քանիսը, — տասնյակից ավելի, — որոնք այս կամ այն պատճառով նրան առավել ստույգ են թվացել. դրանք դարձրել է ժամանակագրական կովաններ՝ հիմք, և մնացած նյութը բաշխել է նրանց վրա: Բարեբախտաբար, այդ կովանները, ինչպես ցույց է տալիս հեղինակը, հորենացու պատմական սուր հոտառության շնորհիվ մեծ մասամբ ստույգ-պատմական են, ուստի և նրանց վրա հեցած համակարգը, հակառակ իր ունեցած շեղումներին, շատ ավելի մոտ է պատմական իրականությանը, քան հայ պատմագիտության

մեջ նրան նախորդած ժամանակագրական այլ պատկերացումները: Կովանների ընտրությունից հետո մնացած նյութը, որ հարմարեցվում է կովաններին, նորից ուշադիր վերաբերմունքի է արժանանում հորենացու կողմից. այն փոփոխության է ենթարկվում միայն անհրաժեշտության դեպքում: Եթե հորենացին դործ ունի մի ամբողջ շարքի հետ, ձգտում է հնարավորին շփի անաղարտ պահել այդ շարքը, կուտակելով անհրաժեշտ փոփոխությունները միմիայն շարքի սկզբում և վերջում: Այնպես որ այս ստորադասված նյութի մեջ ես հորենացու ազդյուններից եկող շատ կարևոր տեղեկություններ են պահպանվել: Պետք է ասել, որ հորենացու համակարգի վերլուծության համար առաջ քաշված կովանների այս տեսությունը հեղինակի դրույթների միջ փայլուն տեղ է զբաղում:

Մի անգամ ըմբռնելով հորենացու ժամանակագրական համակարգի կառուցվածքն ու աուսնանահատկությունները, այլևս դյուրանում է նրա տվյալներից օգտվելը՝ գիտական ժամանակագրություն կառուցելու գործում: Հիմք է ստեղծվում որոշելու, թե այս տեղեկությունը ընդունելի է, իսկ այն՝ ոչ, կամ անհրաժեշտ են այս ու այն ճշտումները, և ինչու՞ և ինչպես ասում է հեղինակը՝ «ժամանակագրական համակարգը, հորենացու կողմից որոշ ազդյունների հիման վրա ստեղծվելուց հետո, իր հերթին դարձել է նրա «Պատմության» յուրահատուկ ազդյուն», այսինքն՝ արձայական շարքերի ներսում կատարված տեղաշարժերի հետևանքով առաջ եկած անժամանակությունները «օրինականացվել են» հորենացու կողմից և «Պատմության» շարադրանքում դիտվել որպես պատմական փաստեր: Այս երևույթը հեղինակն անվանում է «ժամանակագրական համակարգի արտադրանք». և այս իրողության բացահայտմամբ հնարավորություն է ստեղծվում հորենացու պատմության մեջ զատելու այդպիսի նյութերը այն հավաստի նյութերից, որոնցով այնքան հարուստ է հայոց պատմահոր աշխատությունը: Ժամանակագրական համակարգին շվերարբրող երկու օրինակներով հաստատվում է այն ենթադրությունը, թե հորենացու աշխատանքի վեր հանված մեթոդները և եղանակները կիրառվել են ոչ միայն ժամանակագրություն ստեղծելու համար, այլև հատուկ են ամբողջ «Հայոց պատմությանը»: Սրանով ճանապարհ է հարթվում դեպի ամբողջ «Պատմության» համապատասխան վերլուծությունը: Այստեղ ասենք նաև, որ աշխատության վերջում իր թեղերի կապակցությամբ հեղինակն անդրադառնում է բանասերներ Ստ. Մալխասյանցի և Թադ. Ավդալբեկյանի աշխատանքների մեթոդական կողմերին: Նախ բացահայտվում է Մալխասյանցի՝ մեթոդական տեսակետից ոչ-ճիշտ մոտեցումը հորենացու համակարգից օգտվելու գործին՝ պատմական տարեթվեր որոշելիս (էջ 159—163), Տվյալ դեպքում Մալխասյանցը հաշվի չի առել, որ հայկական շարքերը, ինչպես թագավորներիները, այնպես էլ, նրա հետ միասին, կաթողիկոսներինը, արհեստականորեն երկարաձգված են հորենացու մոտ, և հանգել է ոչ-ճիշտ եզրակացության՝ Տրդատի գահակալության տարեթիվը որոշելիս: Ապա քննարկվում է Ավդալբեկյանի փորձը (էջ 164—169)՝ վերականգնելու հորենացու համակարգը՝ իր նախնական տեսքով: Ցույց է տրվում, որ այստեղ խախտված է այն սկզբունքը, թե հորենացու համակարգը պետք է ստուգել ու ճշտել ոչ գիտական ժամանակագրությամբ, այլ հենց իր՝ հորենացու ժամանակագրության մնացյալ տվյալներով և կամ նրա «Պատմության» այլ նկարագրական տվյալներով:

Քննարկվող աշխատության մեջ, նյութի ստեղծած առիթներով, հեղինակը երկու տեղ ծավալվել է կողմնակի հետազոտությունների մեջ, որոնք կարող են ունենալ նաև ինքնուրույն նշանակություն: Դրանցից առաջինը վերաբերում է Կորյունի ժամանակագրությանը (էջ 98—100). ցույց է տրվում, որ Վոսմ Կրմանի և առկա ձեռագրերում պակասող Վոսմի (Հազկերտ I-ի որդու) թագավորության տևողությունը Կորյունի մոտ համապատասխանաբար եղել է 6 և 21 և ոչ՝ 10 և 18, ինչպես կարծում է Մ. Արեղյանը՝ ելնելով այլ ազդյունների վրա հենվող արդի պատկերացումներից: Մյուսը՝ Ղազար Փարպեցու մեզ հասած բնագրի մի հատվածի հետազոտության շտկումն է (էջ 95—104):

Աշխատության մեջ արծարծված հետաքրքրական խնդիրներից մեկը տոմարների հարցն է: Ե՛նչ տոմար է օգտագործել Մովսես հորենացին իր «Հայոց պատմության» մեջ: Այս հարցը հեղինակի կողմից շոշափվում է երկու առումով՝ փրկչական տոմարի և սելևկյան տոմարի:

Խոսելով փրկչական տոմարի մասին (էջ 66—68)՝ հեղինակը նկատում է, որ հորենացու «Պատմության» մեջ գոյություն չունի այդ տոմարի օգտագործման և ոչ մի հետք: Ըիշտ է, թե հետագայում, հորենացու «Պատմության» ցուցմունքներին հետևող հայ պատմագիրները, հենվելով նրա մի տվյալի վրա (թե Արգարի 2-րդ տարում ծնվել է Քրիստոսը), Քրիստոսի թվականով են հաշվել դեպքերը, բայց դա կապ չունի հորենացու հետ: Իրոք փրկչական տոմարի օգտագործման հետք չէր կարող լինել V դարի հեղինակ հորենացու մոտ, քանի որ, ինչպես հայտնի է, Քրիստոսի ծննդյան տարին տոմարական մեկնակետ դարձնելու գաղա-

փարի հղացումն առաջին անգամ ունեցել է VI դարի դիտնական Գիոնեսախոս կրտսերը: Անշուշտ այս պարագան է, որ նկատի ունի հեղինակը, — թեև այդ մասին չի խոսում, — երբ դրում է. որ և թե հայոց պատմահայրը ծանոթ եղած լիներ փրկչական տոմարին՝ «այդ կարող էր ազդել հորեբնացու կյանքի թվագրման հարցի լուծման վրա բացասական իմաստով», իսկ ծանոթ չլինելը՝ «հնարավոր մի փաստարկ է խլում հորեբնացուն V դարից տեղաշարժողների ձեռքից», և այսպիսի իմաստով էլ «այս հարցի նշանակութիւնը ավելի մեծ է, քան միայն հորեբնացու ժամանակագրութիւնն ներքին խնդիրները»:

Սելեկյան տոմարի մասին հեղինակն ունի այլ կարծիք: Սլենելով այն փաստից, թե հորեբնացու մոտ ժամանակագրական տվյալներն սկսվում են Սելեկոս նիկատորի զահաւալութիւնից, և որ նույնն է՝ սելեկյան տոմարի հաստատման ժամանակից (ն. մ. թ. 312/311 թ.), հեղինակը բռնում է. որ «այդ համապատասխանութիւնը պատահական բնույթ չի կրում» և որ «հորեբնացին իսկապես օգտվել է սելեկյան տոմարից» (էջ 22): Այս հարցում մենք համակարծիք չենք հեղինակին, նկատի ունենալով, որ տոմարական հաշվարկման որևէ հետք առասարակ չի երևում հորեբնացու ամբողջ ժամանակագրութիւնն մեջ: Տոմարական բնույթի այն երկու նշումները, որոնք տեղ են դրել հորեբնացու մոտ Սահակ Պարթևի և Մեսրոպ Մաշտոցի մահվան կապակցութիւնը (այնուամենայն էն «այսօր»⁵, «այսօր»⁶), դուրս են մնում նրա ժամանակագրական համակարգի ոլորտներից:

Սախորդ լքերում վեր հանելով քննարկվող աշխատութիւնի դիտական արժանիքները, մենք միաժամանակ արձանագրեցինք որոշ դիտողութիւններ: Դրանց հետ միասին՝ ցանկալի կհամարեինք, որ հեղինակը անպայման ձեռնամուխ լիներ հորեբնացու «Պատմութիւն» և որքան իհայտ եկող պատմական պատկերացումների մանրամասն ուսումնասիրութիւնը, որի համար ճանապարհ է բացում ժամանակագրութիւնն ներկա հետազոտութիւնը: Բացի այդ, ինչպես տեսանք, այս հետազոտութիւնն մեջ ընդգրկված են հորեբնացու «Պատմութիւն» միայն Բ և Գ դրուիւնները, այդ, հասկանալի է, նրա համար է, որ «Պատմութիւն» այդ մասերը պարունակում են ժամանակագրական որոշակի տվյալներ, որոնք լիովին արտացոլում են համակարգի գոյութիւնը: Սակայն՝ Ա զլխում ևս, համակարգ չլինելով հանդերձ, կան ժամանակագրական որոշակի պատկերացումներ: Հարկ է դրանք ևս վեր հանել և դուրս բերել պատմական իրականութիւնն այն չրիվ պատկերը, որ Հայաստանն ունենէ՝ ըստ հորեբնացու «Հայոց պատմութիւն»:⁷ Հույս ունենք, որ հեղինակն այս աշխատանքը ևս կկատարի ապագայում:

Հեղինակն ունի մշակված լեզու: Հատկապես աչքի է դարձնում այն իրողութիւնը, որ նա խիստ հետևողականութիւնը հաշվի է առել հայ հին պատմագրութիւնն և հայ ժամանակակից պատմագիտութիւնն միջև լեզվա-մշակութային սերտ և միասնական կապ պահպանելու խնդիրը: Մի խնդիր, որի վրա, դժբախտաբար, սակավաթիվ հեղինակներ են միայն ուշադրութիւն դարձնում: Երբ շարադրանքը մեղ ներկայանում է ոչ միայն հայ բանասիրական հարուստ դրականութիւնն մեջ մշակման որոշակի մակարդակի հասած լեզվով, այլև օգտագործմամբ պատմական օտար աղբյուրների և օտար անունների այն ձևերի, որոնք նվիրադրված են մեր պատմական դրավոր աղբյուրներում: Մենք կցանկանայինք մեր երիտասարդ շատ ուրիշ պատմաբանների ուշադրութիւնը հրավիրել այս հանգամանքի վրա: Լեզվական այս բնագիտական կան, անշուշտ, որոշ թերութիւններ էլ, որոնց նշումը, կարծում ենք, կարող է միայն օգտակար լինել: Այսպես օրի հետևանքով (= շնորհիվ) նա մեղ է հասցրել Կոնստանդնուպոլսի նշանակութիւնն ունեցող...», էջ 33. «Անանուն պատմիչի կողմից ստեղծած (— ստեղծված)», էջ 126. «մեղադրանքը չի վերաբերվում (= վերաբերում)», էջ 32. «նույն ինքը (— նույնինքն) Արշակ անունը», էջ 36. և այլն:

Ամփոփելով մեր խոսքը՝ կասեինք, որ աշխատութիւնն եզրակացութիւնները հանդում են դրական խոշոր արդյունքի՝ վեր հանելով հայոց Հերոդոտոսի կոթողական երկի՝ «Հայոց պատմութիւն» իսկական արժանիքները: Հնարավորութիւնն են ստեղծում նրա պարունակած պատմական թանկագին նյութը, ժամանակագրական համակարգի ներքին սկզբունքները բացահայտելու ուղիով, փոխադրելու դիտական ժամանակագրութիւնն դժի վրա և արժեքաւորելու Աշխատութիւնն մեջ առաջ քաշված կարծիքների և դրույթների շարքը մի ամբողջութիւնն է հանդիսանում տրամարանական կապակցութիւնների, որոնց շղթաս անընդմեջ ձգվում է սկզբից մինչև վերջը: Հետազոտութիւնների ընթացքը մեղ տանում ասցնում է մեծ մասամբ համոռի՝ դիտականորեն հիմնավորված եզրահանգումներին:

⁵ հորեբնացի, էջ 355:

⁶ հորեբնացի, էջ 356:

Հեղինակը սույն աշխատությամբ հանդես է դալիս որպես պատմաբան և աղբյուրագետ, որպես բանասեր և բնագրագետ, և այս հանգամանքների շնորհիվ նա կարողացել է տալ սույն ուշագրավ աշխատությունը, որ խորենացիագիտության բնագավառում մի արժեքավոր՝ մնայուն ուսումնասիրություն է:

Հ. Ս. ԱՆՁԱՅՁԱՆ